

hauto uno breve che 'l Papa li prometeva farlo cardinal quando facesse promotion de altri. È venuto qui uno nontio dil Pontefice per le poste per passar in Anglia, il qual è andato a trovar el re Christianissimo. È zonto *etiam* in posta l'orator de questa Maesta apresso Cesare, venuto perchè andar per mar non ha voluto, et andarà de qui per tera a far residentia apresso la Cesarea Maestà in Spagna.

*Dil dito, di 16, da Paris, ricevute* ut supra. Scrive coloqui hauti con domino Zuan Stefano Robio secretario dil signor duca de Milan: come questi tien la Signoria sia in la liga de Cesare, et che lui havea di questo fatto bon officio, non era il vero, al qual io monstroi le lettere di 16 fevrer, che con effetto cussì era. Et perchè el duca de Milano ha concluso acordo con li 5 Cantoni de sguizari, manda la copia de capitoli, ancora che 'l tien se habbi prima hauti per via de l' orator Basadona a Milan. Li lanzinech che tornorono da l' impresa de Danimarea se reduseno in Olanda et terre de l' imperador de populando, el par con altri tornati de l' impresa de Hongaria et augmentati fino al numero de 6000, chi dice 8000, chi 10 milia; ma da monsignor de Nasseam scaziati con 1000 cavali che fece de paesani et una banda de fanti, et li feno retirar su la dition dil duca de Geler, sicome questo mi ha dito l'orator cesareo haver per lettere de 29 marzo; et l' orator anglico dice è poco numero, et che li diti mandorono soi noncii a questa Maestà per offerirli el suo servitio, et che par Sua Maestà non li dia speranza de tuorli. *Etiam* de Anglia sono intertenuti aziò che i non andasseno al re de Scotia. Il re Christianissimo dia partir a di 21 da Fontanbleu per Burges; io mi partirò doman o l' altro per ditto locho.

*Dil ditto, da Melum, di 22, ricevute* ut supra. Sono lettere di Anglia, di 11, de uno homo degno de fede. Scrive che il venere santo el matrimonio de la marchesana Anna con il re era pubblicato, et il zorno seguente a la messa se publicheria senza dubio. Et questo *etiam* è stà comprobà per uno corier expedito per Roma, qual passò per Paris. Il nontio pontificio domino Ubaldino è zonto qui per andar *etiam* in Anglia per parlar dil Concilio, ma non definir alcuna cosa. Zonto a Paris, come scrissi, andò dal re Christianissimo, et tornato, partirà doman per Anglia. Heri arivoe a questa corte uno araldo de Anglia, per portar li abiti de l' ordine che quela Maestà dete a lo illustrissimo gran maistro et a l' armiraio a Bologna de Picardia per lo abocamento fu fato, la qual festa questa Mae-

stà celebrerà con gran cerimonie, et intervenirà el signor duca de Rizimont fiol natural dil re Anglico, qual ha el medesimo ordine. Questa Maestà ha deferito la sua partita fino a di 24, et anderà a Molines. Lo abocamento de Niza *etiam* è stà confirmato che si farà da monsignor de Vigli orator apresso Cesare, venuto a questa corte, come scrissi, et *etiam* il matrimonio dil duca di Orliens in la nepote dil Pontefice, qual è stà concluso, se compirà etc.

*La copia de li capitoli dice cussì:*

62•

Capitoli conelusi tra lo illustrissimo et eccellentissimo signor duca de Milano et li signori de li Cinque Cantoni svizari, *videlicet* Lucerna, Uri, Switz, Undervalden et Zog, et è riservà ne la fin locho a intrar a il resto de cantoni Zurich, Berna, Clarona, Sciafusa, Friburgo, Soldoro, Basilea et Apenzel, fata per il Rizio orator dil duca, in Lucerna a di 8 zenaro 1533.

*Di Trento, di Andrea Rosso secretario, di 20, hore 24, ricevute a di 23.* Come li oratori haveano *iterum* scritto al re suo fusse contento se iudicasse *etiam de innovatis*, et come per le altre scrisses quei voria che se principiassè a tratar, in questo mezo veria la volontà dil re. *Item*, se mandi una patente conforme a quella dil re. Scrive per esser suo amico ha serito a domino Pietro Paulo Verzerio nontio pontificio apresso prefato re, el vogli aiutar la materia che quella Maestà mandi el poter aziò se difenissa ogni contraversia.

*Da Constantinopoli, di sier Piero Zen orator et vicebailo, di 18 et 23 April, ricevute a di 23 Mazo in Conseio di X.* A di 9 de l' instante ricevete nostre lettere, di 4, 5 et 12 marzo. Il venere santo il magnifico Imbraim me mandò a dir li andasse a parlar, ma il Signor cavalcò a la oratione, *unde* andai da poi. Era con lui Janus bei, qual spiero lo redurò a bon camino, et li comunicai le nove et di la union de Italia fata in Bologna et liga in la qual la Signoria nostra non havia voluto intrar, et era per mantener in perpetuo la pace con quella excelsa Porta. E esso bassà me disse: ambascador, ti voio dir una cosa, Spagna la va lusengando Franza et Anglia con le so false parole, perchè spagnoli sono tutti pieni de catività, perchè i voria destruzer Barbarossa nostro bitarbei in quele parte, et sa che Franza ne è come nostro fratello, dubita essa Spagna che Franza non dagi favor